



Broj: 02/05-1267 /26

Datum: 10.04.2026.godine

- **WEB STRANICA OPĆINE BUŽIM**
- **OGLASNA PLOČA OPĆINE BUŽIM**

Na osnovu člana 38 Statuta općine Bužim («Službeni glasnik općine Bužim » broj: 12/15), člana 19 Odluke o izvršavanju budžeta za 2026 g. (Službeni glasnik Općine Bužim 1/26) i Sporazuma zaključenog između Općine Bužim i MUSLIM AID Sarajevo , broj: 02-05-588/26 od 16.02.2026., kojim su osigurana donatorska sredstva (od strane Muslim Aid 40 %, Općine Bužim 45 % i vlastitog učešća korisnika 15 %) u cilju razvoja plasteničke proizvodnje na području općine Bužim , Općinski načelnik raspisuje:

JAVNI POZIV

za predaju zahtjeva za dodjelu platenika od 100 m² sa dodatnom opremom putem sufinansiranja

I PRAVO UČEŠĆA

Pravo na učešće u Projektu imaju nezaposlene osobe sa područja općine Bužim ,a imaju vlastito poljoprivredno zemljište u neposrednoj blizini stambenog objekta u kojem stanuju, Pravo na dodjelu platenika ne mogu ostvariti lica koja su u posljednjih 3 godina ostvarila pravo na donaciju, dodjelu, ili sufinansiranje nabavke platenika od općine, ministarstava, humanitarnih i drugih organizacija.

II UVJETI ZA DODJELU PLASTENIKA

Podnosioc zahtjeva treba da ispunjava slijedeće:

Opći uvjeti:

1. Da je nezaposlena osoba ili osoba sa minimalnim primanjima prema kriterijumima iz Pravilnika o utvrđivanju uvjeta, kriterija i postupka za ostvarivanje prava na dodjelu platenika, sistema za navodnjavanje, sjemenskog/sadnog materijala, kristalona i popratne opreme u Projektu „Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u plastenicima“ u 2026. godini na području Općine Bužim ili mlada osoba u dobi od 18 do 35 godina, sa prebivalištem na području Općine Bužim
2. Da je upisan u Registar poljoprivrednih gazdinstava i klijenata u Općini Bužim ili dostavi ovjerenu izjavu da će se upisati u Registar poljoprivrednih gazdinstava i klijenata prije dodjele platenika,
3. Da je podnosilac zahtjeva ili član uže porodice vlasnik ili posjednik poljoprivrednog zemljišta pogodnog za plasteničku proizvodnju i koje se nalazi u neposrednoj blizini stambenog objekta u kojem stanuje,
4. Da ima mogućnost navodnjavanja platenika,
5. Da sufinansira 15% od nabavne cijene platenika sa pratećom opremom (598,50 KM),
6. Da obavezno prisustvuje edukaciji iz oblasti plasteničke proizvodnje .

7. Da u trenutku prijave za učešće u ovom projektu nema više od 100 m² plastenika u svom posjedu ili posjedu člana uže porodice (plastenik sa metalnom konstrukcijom i bočnim ventiliranjem),
8. Da će dodijeljeni plastenik zadržati u vlasništvu najmanje 3 godine od potpisivanja Ugovora.

Posebni uvjeti:

1. broj članova domaćinstva,
2. broj nezaposlenih punoljetnih članova zajedničkog domaćinstva uključujući i podnositelja prijave,
3. broj izdržavanih članova zajedničkog domaćinstva (djeca, nezaposleni članovi koji nisu na
4. evidenciji osoba Biroa za zapošljavanje ,
5. samohrani roditelji,
6. mlade osobe starosti do 35 godina,
7. uvjeti za plasteničku proizvodnju (položaj plastenika, mogućnost navodnjavanja, vjetrovitost, blizina stambenog objekta i sl.),

Služba za razvoj i poduzetništvo Općine Bužim je nosilac aktivnosti vezanih za realizaciju Projekta.

III KRITERIJI ZA DODJELU PLASTENIKA

Kriteriji za bodovanje podnosioca zahtjeva:

1. Pogodnost poljoprivrednog zemljišta za plasteničku proizvodnju i mogućnost navodnjavanja (utvrđuje komisija za dodjelu plastenika na licu mjesta):

- slabi uvjeti (veliki nagib – preko 10°, udaljenost od kuće više od 500 m , ali ne više od 1000 m, parcela vrlo malo osunčana) 1 bod,
- dobri uvjeti (nagib od 5° do 10°, udaljenost od kuće do 500 m, parcela relativno dobro osunčana) 2 boda,
- jako dobri uvjeti (blag nagib – do 5°, udaljenost od kuće do 200 m, dobar pristup, parcela osunčana) 3 boda.

Kandidati kod kojih se na terenu utvrdi da parcele ne ispunjavaju gore navedene karakteristike ili ne postoji mogućnost navodnjavanja plastenika, podložne su jakim udarima vjetra, veliki nagib, nadmorska visina, erozija tla i sl. neće se bodovati, odnosno njihove prijave se neće uzeti u razmatranje.

2. Pripadnost nekoj od sljedećih kategorija:

- podnositelj prijave je nezaposlena osoba 4 boda,
 - od jedne do dvije godine 1 bodova
 - više od dvije do pet godina 2 bodova
 - više od pet godina 3 bodova
- za svakog punoljetnog nezaposlenog člana uže porodice, koji se nalazi na evidenciji nezaposlenih osoba Biroa za zapošljavanje 1 bod,
- za svakog izdržavanog člana porodice (nezaposlene osobe koji se ne nalaze na evidenciji nezaposlenih osoba na Birou za zapošljavanje (domaćice, djeca, učenici i sl.) 1 bod,
- podnosilac zahtjeva mlada osoba životne dobi od 18 do 35 godina 4 boda,
- ako je podnosilac zahtjeva samohrani roditelj 3 boda.

3. Prihodi domaćinstva:

- ako su primanja po članu domaćinstva do 100,00 KM 10 bodova,
- ako su primanja po članu domaćinstva od 100,01 KM do 150,00 KM 8 bodova,
- ako su primanja po članu domaćinstva od 150,01 KM do 250,00 KM 6 bodova,
- ako su primanja po članu domaćinstva od 250,01 KM do 300,00 KM 4 bodova,
- ako su primanja po članu domaćinstva od 300,01 KM do 350,00 KM 2 boda,

- ako su primanja po članu domaćinstva od 350,01 KM do 450,00 KM 1 bod,
 - ako su primanja po članu domaćinstva od 450,01 KM i više..... 0 bodova.
- Kada kandidati pri bodovanju imaju isti broj bodova, prednost će imati kandidati koji imaju status mlade osobe, nakon toga, kandidati sa većim brojem članova uže porodice, a zatim kandidati sa većim brojem nezaposlenih članova uže porodice.

IV POTREBNA DOKUMENTACIJA

Potrebna dokumentacija za dodjelu plastenika:

1. zahtjev za ostvarivanje prava na za dodjelu plastenika od 100 m² sa dodatnom opremom putem sufinansiranja ,
2. kopija potvrde o upisu u Registar poljoprivrednih gazdinstava od općinske službe izdane u 2026.godini ili ovjerena izjava da će se upisati u Registar poljoprivrednih gazdinstava i klijenata prije dodjele plastenika,
3. ovjerena kućna lista,
4. dokaz o nezaposlenosti svih nezaposlenih punoljetnih članova porodice izdan od Biroa za zapošljavanje,
5. ovjerena izjava za korisnika i za članove domaćinstva da nema nikakvih materijalnih prihoda u vidu plaće ili penzije
6. vlasništvo ili posjed nad parcelom (kopija ZK izvadka ili Posjedovnog lista),
7. ovjerena izjava da će korisnik podsticaja dobijeni plastenik zadržati u vlasništvu najmanje 3 godine od potpisivanja Ugovora,
8. izjava da domaćinstvo ne posjeduje više od 100 m² plastenika
9. ovjerena izjava da podnosilac zahtjeva u posljednjih 5 godina nije ostvarivao pravo na donaciju, dodjelu, ili sufinansiranje nabavke plastenika od općine, ministarstava, humanitarnih i drugih organizacija,
10. ovjerena izjava da će sufinansirati 15% od nabavne cijene plastenika sa pratećom opremom (598,50 KM),
11. ovjerena izjava da će obavezno prisustvovati edukaciji iz oblasti plasteničke proizvodnje u trajanju od šest dana.
12. dokaz da je podnosilac zahtjeva demobilizirani borac (Uvjerenje BIZ ili odjeljenja odbrane Bužim izdano u 2026.godini),
13. dokaz da je član porodice šehida i poginulih boraca, RVI (Uvjerenje BIZ ili odjeljenja odbrane Bužim izdano u 2026.godini),
14. dokaz da je mladi bračni par životne starosti do 35 godina (ovjerena kućna lista),
15. dokaz da je samohrani roditelj (ovjerena kućna lista),

Potrebne izjave za uvjete pod rednim brojevima 7.,8.,9.,10.,11. se podnose na zajedničkom obrascu „IZJAVA“, koja se može preuzeti u šalter Sali Općine Bužim.

V PROCEDURA ODABIRA KORISNIKA

Općinski načelnik imenuje 2 člana Komisije za dodjelu plastenika, a jedan član Komisije je iz NVO Muslim Aid Association(MAA)

Zadatak Komisije za dodjelu plastenika:

- pregled prispjelih prijava, evidentiranje kandidata koji ispunjavaju uvjete iz Javnog poziva, obavlja uviđaj na licu mjesta, sačinjavanje liste krajnjih korisnika na osnovu utvrđenih kriterija za bodovanje te istu dostavlja Općinskom načelniku.

Odluku o dodjeli plastenika donosi Općinski načelnik na prijedlog Komisije za dodjelu plastenika.

NAPOMENA:

- Kandidati koji ostvare pravo na dodjelu plastenika obavezni su prisustvovati edukaciji u trajanju od šest dana.

Obrasci zahtjeva i izjava mogu se preuzeti na šalteru 1 Općine Bužim (šalter sala) i zajedno sa dokumentacijom predati u zatvorenoj koverti na protokol Općine Bužim sa naznakom „**Za javni poziv za dodjelu plastenika**“.

Sve dodatne informacije mogu se dobiti u Službi za razvoj i poduzetništvo Općine Bužim , ili na broj telefona 037/419-517 svakim radnim danom od 07:30 -16:00 sati.

Javni poziv ostaje otvoren do 30.04.2026. godine do 15:30 sati.

Nepotpune i neblagovremene prijave se neće uzeti u razmatranje.

Sany

Dostavljeno:

1. Naslovima
2. Službi za razvoj i poduzetništvo
3. a/a

